

**Zabbuli 68:1 Katonda agolokoke, abalabe be basaasaane; Era n'abo abamukyawa badduke mu maaso ge.**

**Zabbuli 5:9,10 Kubanga tewali bwesigwa mu mimwa gyabwe: Omwoyo gwabwe bubi busa: Omumiro gwabwe ye ntaana eyasaamiridde; Beegonza n'olulimi Iwabwe. 10 Obasseeko omusango, ai Katonda; Bagwe olw'okuteesa kwabwe bo: Obasindike mu kwonoona kwabwe okungi; Kubanga bakujeemedde ggwe.**

**Zabbuli 7:1,2 Ai Mukama, Katonda wange, neesiga ggwe: Ondokole eri abo bona abangoba, omponye: 2 Aleme okutaagula emmeeme yange ng'empologoma, Okugitaagulataagula, nga tewali anamponya.**

**Zabbuli 11:6 Ku babi anaatonnyesanga ebyambika; Omuliro n'ekibiriiti n'empewo ezookya binaabeeranga omugabo ogw'ekikompe kyabwe.**

**Zabbuli 18:2 Mukama Iwe Iwazi Iwange, era kye kigo kyange, era ye andokola; Katonda wange, olwazi Iwange olunywevu, oyo gwe ijnjenda okwesiganga; Engabo yange, n'ejjembe ery'obulokozi bwange, ekigo kyange ekigulumivu.**

**Zabbuli 18:14 N'alasa obusaale bwe n'abasaasaanya; N'alasa enjota nnyingi n'abeeraliikiriza.**

**Zabbuli 18:17 Yamponya eri mulabe wange ow'amaanyi, N'eri abo abankyawa, kubanga bansinza amaanyi nze.**

**Zabbuli 18:39 Kubanga onsibye amaanyi ag'okulwana: Obafukamizza mu maaso gange abannyimukirako.**

**Zabbuli 18:45 Bannaggwanga baliggwaawo, Baliva mu bifo byabwe eby'okwekwekamu nga bakankana.**

**Zabbuli 18:48 Amponya eri abalabe bange: Weewaawo, ongulumiza ku abo abannyimukirako: Ondokola eri omuntu ow'ekyejo**

**Zabbuli 23:3 Akomyawo emmeeme yange: Annuñjamya mu makubo ag'obutuukirivu ku Iw'erinnya lye.**

**Zabbuli 27:11 Onjigirizenga ekkubo lyo, ai Mukama; Era onnuñjamyaeng mu luwenda olulabika, Olw'abalabe bange.**

**Zabbuli 31:15 Entuuko zange ziri mu mukono gwo: Ondokole mu mukono gw'abalabe bange n'abo abanjigganya.**

**Zabbuli 34:4 Nanoonya Mukama, n'anziramu, N'andokola mu kutya kwange kwonna.**

**Zabbuli 34:7 Malayika wa Mukama asiisira okwetooloola abo abamurya, N'abalokola.**

**Zabbuli 34:13 Ziyizanga olulimi Iwo mu bubi, N'emimwa gyo obutoogeranga bukuusa.**

**Zabbuli 34:17-19 Abatuukirivu baakoowoola, Mukama n'awulira, N'abalokola**

**mu nnaku zaabwe zonna. 18 Mukama ali kumpi n'abo abalina omutima ogumenyese. Era awonya abalina omwoyo oguboneredde. 19 Ebibonoobono eby'omutuukirivu bye bingi: Naye Mukama amulokola mu byonna.**

**Zabbuli 35:1-8 Wakana, ai Mukama, n'abo abawakana nange: Lwana n'abo abalwana nange. 2 Kwata engabo n'akagabo, Oyimirire okunnyamba. 3 Era sowola n'effumu, ozibire ekkubo abo abanjigganya: Ogambe emmeeme yange nti Nze bulokozi bwo. 4 Bakwatibwe ensonyi baswazibwe abanjigganya emmeeme yange: Bazzibwe ennyuma beeraliikirizibwe abateesa okunkola obubi. 5 Babeere ng'ebisusunku ebitwalibwa n'empewo, Era malayika wa Mukama ng'abagoba. 6 Ekkubo lyabwe libeere ekizikiza n'obuseerezi. Era malayika wa Mukama ng'abayigganya. 7 Kubanga awatali nsongra bankisizza mu bunnya ekyambika kyabwe, Awatali nsongra basimidde emmeeme yange. 8 Okuzikirira kumujjeko nga talaba; N'ekyambika kye kye yakisa kimukwate ye yennyini: Akigwemu n'okuzikirira:**

**Zabbuli 35:10 Amagumba gange gonna galyogera nti Mukama, ani afaanana nga ggwe, Awonya omwavu eri oyo amusinga amaanyi, Awonya omwavu n'omunafu eri oyo amunyaga?**

**Zabbuli 36:7-9 Ekisa kyo, ai Katonda, nga kya muwendo mungi! Era abaana b'abantu baddukira wansi w'ekisiikirize eky'ebiwaawaatiro byo. 8 Banakkusibwanga ddala obugevvu obw'ennyumba yo. Era onoobanywesanga ku mugga ogw'essanyu lyo. 9 Kubanga w'oli we wali oluzzi olw'obulamu: Mu musana gwo naffe mwe tunaalabiranga omusana.**

**Zabbuli 37:5 Olugendo Iwo oluyiringisizenga ku Mukama; Era weesigenga oyo, naye anaakituukirizanga.**

**Zabbuli 37:23,24 Olugendo olw'omuntu lunywezebwa Mukama; Era asanyukira ekkubo lye. 24 Newakubadde ng'agwa, talisuulirwa ddala wansi: Kubanga Mukama amunyweza n'omukono gwe.**

**Zabbuli 37:40 Era Mukama abayamba, n'abawonya: Abawonya eri ababi, n'abalokola, Kubanga beeyunye oyo.**

**Zabbuli 39:1 Nayogera nti Neekuumanga amakubo gange, Nnemenga okwonoonya olulimi lwange: Naasibanga akamwa kange n'olukoba, Omubi ng'ali mu maaso gange.**

**Zabbuli 41:4 Nayogera nti Ai Mukama, onsaasire: Omponye emmeeme yange: kubanga nnyonoonye ggwe.**

**Zabbuli 42:5,11 Kiki ekikukutamizza, emmeeme yange? Kiki ekikweraliikiriza munda yange? Suubira eri Katonda: kubanga edda ndimutendereza Olw'obulamu obw'amaaso ge. 11 Kiki ekikukutamizza, emmeeme yange? Kiki ekikweraliikiriza munda yange? Suubira eri Katonda: kubanga edda ndimutendereza, Bwe bulamu obw'amaaso gange, era Katonda wange. (Zabbuli 43:5)**

**Zabbuli 43:1 Onsalire omusango, ai Katonda, era ompolereze ensonga eri**

**eggwanga eritatya Katonda: Ondokole eri omuntu ow'obulimba atali mutuukirivu.**

**Zabbuli 44:4 Ggwe oli kabaka wange, ai Katonda: Lagira obulokozi eri Yakobo.**

**Zabbuli 51:4 Ggwe, ggwe wekka, ggwe nnayonoona. Ne nkola ekibi mu maaso go: Obeere omuntuukirivu bw'oyogera, Osinge omusango bw'osala.**

**Zabbuli 52:5 Era ne Katonda bw'atyo anaakuzikirizanga emirembe gyonna, Alikusitula, alikukwakula, alikuggya mu weema yo, Alikusigula okuva mu nsi ey'abalamu. (Seera)**

**Zabbuli 54:7 Kubanga anziye mu kveraliikirira kwonna; N'eriiso lyange lirabye bye njagala nga bituuse ku balabe bange.**

**Zabbuli 55:18 anunula emmeeme yange mu mirembe mu latalo olwali lugenda okunsinga: Kubanga abaali balwana nange bangi.**

**Zabbuli 59:2 Ondokole eri abo abakola obutali butuukirivu, Omponye eri abo abaagala omusaayi.**

**Zabbuli 60:12 Katonda ye anaatukozanga eby'obuzira: Kubanga oyo ye anaalinniyiriranga ku balabe baffe.**

**Zabbuli 63:11 Naye kabaka alisanyukira Katonda: Buli amulayira ye alyenyumiriza; Kubanga akamwa k'abo aboogera eby'obulimba kalizibibwa.**

**Zabbuli 66:3 Katonda nti Emirimu gyo nga gya atiisa! Olw'obuyinza bwo obungi abalabe bo balikujeemukira.**

**Zabbuli 68:6 Katonda awa abawuulu ennyumba: Aggya abasibe (mu kkomera) okulaba ebirungi: Naye abajeemu batuula mu nsi ekaze.**

**Zabbuli 68:35 Ai Katonda, oli wa ntiisa ng'oyima mu bifo byo ebitukuvu: Katonda wa Isiraeri yawa amaanyi n'obuyinza abantu be. Katonda yeebazibwe.**

**Zabbuli 70:1 Oyanguwe, ai Katonda, okundokola; Oyanguwe okunnyamba, ai Mukama.**

**Zabbuli 71:4 Omponye, ai Katonda wange, mu mukono gw'omubi, Mu mukono gw'omuntu atali mutuukirivu, omukambwe.**

**Zabbuli 71:13 Bakwatibwe ensonyi bazikirire abakyawa emmeeme yange; Baswazibwe banyoomebwe abaagala okunkola obubi.**

**Zabbuli 72:12 Kubanga anaawonyanga omunafu bw'anaakaabanga: N'omwavu atalina mubeezi.**

**Zabbuli 76:12 Alizikiriza omwoyo gw'abalingira: Ye w'entusa eri bakabaka b'ensi.**

**Zabbuli 79:9 Otuyambe, ai Katonda ow'obulokozi bwaffe, olw'ekitiibwa ky'erinnya lyo: Era otuwonye, onaalize ddala ebibi byaffe, olw'erinnya lyo.**

**Zabbuli 86:17 Ondage akabonero olw'obulungi; Abankyaye bakalabe bakwatibwe ensonyi. Kubanga ggwe, ai Mukama, onnyambye, era onsanyusizza.**

**Zabbuli 91:14,15 Kubanga antaddeko okwagala kwe, kyendiva mmuwonya: Ndimugulumiza waggulu, kubanga amanyi erinnya lyange. 15 Alinkaabira,**

**nange ndimuyita; Naabeeranga wamu naye bw'anaanakuwalanga:  
Ndimuwonya, ndimuwa ekitiibwa.**

**Zabbuli 92:11 Era eriiso lyange Lirabye bye njagala nga bituuse ku balabe  
bange, Amatu gange gawulidde bye njagala nga bituuse ku abo abakola  
obubi abangolokokerako.**

**Zabbuli 103:10 Tatukoze ng'ebibi byaffe bwe biri, So tatusasudde ng'ebikolwa  
byaffe ebitali bya butuukiriw bwe biri**

**Zabbuli 104:9 Wagalagira ensalo gye gatayinza kusukkako; Galeme okudda  
nate okubikka ku nsi.**

**Zabbuli 107:6 Ne balyoka bakaabira Mukama mu nnaku zaabwe, N'abawonya  
mu kweraliikira kwabwe.**

**Zabbuli 118:10,12 Amawanga gonna ganneetoolodde: Mu linnya lya Mukama  
ndigazikiriza. 12 Banneetoolodde ng'enjuki; bazikidde ng'omuliro ogw'omu  
maggwa: Mu linnya lya Mukama ndibazikiriza.**

**Zabbuli 121:7,8 Mukama anaakukuumanga eri obubi bwonna; Ono ye  
anaakukuumanga emmeeme yo. 8 Mukama anaakukuumanga amagenda go  
n'amadda, Okuva leero n'okutuuka emirembe gyonna.**

**Zabbuli 138:3 Ku lunaku lwe nnakaabirirako wampitaba, N'onnumya  
n'amaanyi mu mmeema yange.**

**Zabbuli 140:1,4,5 Omponye, ai Mukama, eri omubi; Onkume eri omutemu: 4  
Onkume, ai Mukama, eri emikono gy'ababi; Omponye eri omutemu:  
Abateesessa okukyamya ebigere byange olw'amaanyi. 5 Ab'amalala  
bantegedde omutego n'emigwa; Bayaze ekitimba mu kkubo: Bantegedde  
ebyambika. (Seera)**

**Zabbuli 142:6 Owulire okukaaba kwange; kubanga njeezebwa nnyo: Omponye  
eri abo abanjigganya; kubanga bansinga amaanyi.**

**Zabbuli 143:9 Omponye, ai Mukama, eri abalabe bange: Nziruka okujja w'oli  
okwekisa.**

**Zabbuli 147:14 Aleeta emirembe mu nsalo zo; Akujjuza obugimu obw'eŋjaano.**

**Zabbuli 149:6-9 Ettendo eggulumivu lya Katonda libenga mu bulago bwabwe,  
N'ekitala eky'obwogi obubiri mu ngalo zaabwe; 7 Okuwalana eggwanga ku  
mawanga, N'okubonyaabonya abantu; 8 Okusiba bakabaka baabwe  
n'enjegere, N'abakungu baabwe n'ebisiba eby'ebiyuma; 9 Okubatuukirizaako  
omusango ogwawandiikibwa: Abatukuvu be bona balina ekitiibwa ekyo.  
Mumutendereze Mukama.**